



partii naleraq

Nuuk 8. november 2018  
UKA2018/158  
Hans Enoksen Partii Naleraq

**Meeqqanut inuusuttunullu angerlarsimaffiup avataanut inissinneqarsimasunut inissinneqarnikuusimasunullu, inersimasunngoriartornermut ikaarsaariarnermut ilisimasanik tunngavilimmik periusissatut pilersaarummik Naalakkersuisut UKA 2019imi saqqummiussinissamik peqquneqassasut, Inatsisartut aalajangiiffigisassaattut siunnersuut.** (Inatsisartunut ilaasortaq, Mikivisuk Thomassen, Inuit Ataqatigiit)

Inatsisartunut ilaasortaq Mikivisuk Thomassen Inuir Ataqatigiit siunnersuuteqarpoq Meeqqanut inuusuttunullu angerlarsimaffiup avataanut inissinneqarsimasunut inissinneqarnikuusimasunullu ilisimasanik periusissatullu pilersaarummik Naalakkersuisut saqqummiusseqqullugit UKA 2019-mut tamannalu oqaaseqarfigissavarput.

Uggornarlunnartumik ajuusarnarlunnartumillu nunatsinni meeqqat inuusuttullu angajoqqaaminnik sumiginnarneqartarnerat assorujussuaq ilungersunarpog akuersaarneqarsinnaananilu, tamannalu ataatsimoortumik akiortuartariaqarparput, meeqqat inuusuttullu illersugassammata inuunerlunermik eqqorneqarsimasut.

Angerlarsimaffiup avataanut inissinneqarsimasut meeqqat inuusuttullu amerlavallaarujussuarput kangusuttariaqarpugut meerartagut sumiginnaratsigit inuunermik nuannersunik misigitinnagit akerlianik erloqinartumik inuunermik tunisarlugit taamatullu ingerlatsisinerput toqqissisimanangivippoq.

Nalunngilarput meeqqat illersorniarlugit allatut ajornartumik angerlarsimaffiup avataanut inissittariaqartartut, isumannaanerusumik inuunermik ilersorneqarnissaat anguniarlugu, qujanartumillu amerlasuut taamatut inissineqartarnertik meeqqat amerlasuut toqqissinarnerusumik ulluinnarni inuuneranni nakkutigilluarneqartarnerat qulaarnaarneqartarpoq, naak aanap asanninnera taarserneqarsinnaangitsoq maqaasinerpassuillu aqqusaarneqartaraluartut.

Meeqqanik inissisarfiit namminersortut pisortallu pigisaat qutsavissaapput annertuumik meeqqat isumannaatsumik inuuneqarnissaanut illersuilluarnerat pillugu. Ilaatigut avataangisit aqqusaartukkatik oqitsuinnaangikkaluartut ilumoortumik sullissinertik takussutissaqartumik ersiuteqartittarmassuk nersugassapput inuiaqatigiinni meeqqat inuusuttullu atugaasa pitsaanerulernissaat anguniarlugu akisussaaffeqarluartumik paarsimatta nersualaarpassi meeartagut illersorassigit inuiaqatigiinni siunissami ingerlallualernissaat anguniarlugu.

Aammalu eqqarsaatissatut ilanngunniarparput ilaqutariit meerartaminnik sumiginnaasut ataatsimoortumik katsorneqartarnissaat ullumikkornit annertunerujussuarmik atugaalertariaqartoq,

tassami arsaarinnertarneq ilaatigut meeppaat ilaannut pitsaanerusussaq anguniarlugu ingerlanneqartaraluartoq pitsaanerusussaq anguniartariaqarmat aamma tassalu ilaqutariit ataatsimut katsorsaanikkut aammalu ulluinnarni atugaasigut ikiorlugit nukittorsarlugit pigaanni qularnanngilaq illoraap tungaanut aamma alloriarfiusinnaasoq.

Aammalu ilaqutariit iluanni inissisinnaanerit ilaani pinngitsoorneqarsinnaanngitsut atorluarneqarnerunissaat kaammatuutiginarpoq.

Siunnersuuteqartut Mikivisuk Thomassen Inuit Ataqatigiit, siunnersuummini tunngavilersutai tassalu meeppat angerlarsimaffiup avataanut inissinneqartartut inersimasunngoriartornermini amerlasuutigut ingerlariarnissaminnut pitsaanerusumillu inuulernissaminnut soorlu ilinniarnerminnut angerlarsimaffittarnissamut allanik nukisaqannginerusartut pitsaannginersumillu atugaqartartut isumannaatsumik aqqutissiunneqarnissaanik saqqummiussaqaqarnera taperserparput.

Tunngavilersuut paasinarluarpoq meeppat siunissaminni illersorluarneqarnissaat qulaarniarneqartoq tamakkiisumik aamma Naalakkersuisunik taperserneqartoq nuannaarutigalugu ataatsimiititaliami suliarineqarnissaa innersuussutigaarput.